

攝大乘論卷上

阿僧伽作

後魏世佛經多於法陽譯

嚴

大乘阿毗曇經中對如來前為欲顯
發大乘義故善住菩薩說所謂依大
乘經明諸佛如來有十種勝妙勝語
何等為十者智依勝妙勝語二者
智相勝妙勝語三者入智相勝妙勝
語四者入彼因果勝妙勝語五者入
彼修因果勝妙勝語六者還彼行中
差別增上戒勝妙勝語七者增上心
勝妙勝語八者增上慧勝妙勝語九
者滅除勝妙勝語十者智勝妙勝語
如是此修多羅句顯發說大乘是佛
語云何顯發如是此說中小乘經不
說此十種句唯大乘中明所謂阿梨
耶識智依事所說有三種性一者他
性二者妄分別性三者成就性以智
相事故唯記說入智相事者謂六波
羅蜜入彼因果事者謂十菩薩地還
彼修彼差別事中受菩薩戒謂增上
戒首楞嚴虛空等諸三昧增上心事

說無分別智謂增上心事說不住涅槃
顯滅彼果事有三種佛身一者真身
二者報身三者應身彼果智事說如
是此十種句非小乘教故唯大乘中
顯勝說及勝上故是故如來依為諸
菩薩說以是義故依大乘教故諸佛
如來說有十種勝妙勝語應知云何
復此十種相勝妙如來勝語明顯大
乘是佛語及連小乘是非大乘是以
此十句小乘經所不說而大乘有說
及此十句能令得大菩提善許不相違
為得一切智智故是中說偈

彼依智相依彼因及彼果彼三界差別
彼果及除滅智及上妙乘至於勝進修
彼說餘處所無有 此見勝因上菩提
佛語說於大乘中 十句勝說於此經
有何義故此諸十句如是漸次說是
以菩薩從初學已先應諸法因果依
已應於因緣善巧成而有於諸緣生
法中應相善巧成捨離橫安謗過善
巧故菩薩如是善學故於彼善取相
中應令證學是故今諸障中心得解
脫於後入智相行已前修行中今修

攝大乘論卷上 第二攝 嚴

得六波羅蜜已深淨身心故是以淨
心所攝六波羅蜜故於諸十地中分
別修行三阿僧祇劫於後令滿二種
菩薩戒滿已今彼果涅槃及證阿耨
多羅三藐三菩提此是諸十句漸次
說然此說中一切大乘略盡是中初
說智依勝妙勝語如來經中說謂阿
梨耶識以阿梨耶識語故作阿梨耶
語說如來於大乘阿毗曇經偈中說
無始已來性一切法所依有彼諸道老
及今得涅槃
還彼經所說

一切諸法家彼識一切種故說為家識
聰明者乘此
此是經證然復彼何故名阿梨耶識
有生法者依彼一切諸法作果於
彼彼亦依諸識作因故說為阿梨耶
識或復衆生依彼為我故名阿梨耶
識彼亦名阿陀那識此中有何證如
相續解脫經中說
阿陀那識最微深 譬如水波於諸子
我不為凡言說此 莫執取以之為我
彼以何義故名阿陀那識依一切色

攝大乘論卷上 第三攝 嚴

相故及取一切依身事故如是彼作諸色等根不壞者乃至命不盡隨順故未來取身彼能生取身是故彼名阿陀那識彼亦名心如佛所說心意識亦是中意有二種依近作緣事故近滅識依與意識作生因第二意雜四種煩惱常共同身見我慢愛身及無明彼是依識所添生若以一身所生識第二是添境界識義故取近義故及不分別義故明二意是中有偈雜染障無明同法及諸五三昧或勝事說中應識惠无想而起我生順行無窮近順起我相一切是不成離添无心事二三三相違彼無一切處執成我等義心順正義故常順不相違一切是同行說無明不離

心及身第三離阿犁耶識更餘處無以是義故釋成阿犁耶識是心時種子行微意及意識以何義故說為心種種法種子習薰聚義故佛以何義故小乘經中彼心不說為阿犁耶識及阿陀那識攝甚微細智義故彼諸聲聞不修學行一切智人智故是

攝大乘論卷上 第四頌 嚴

故彼中則經說智復說釋成解脫故不說諸菩薩者修行一切智人智故為彼說此識若不說者離彼識不得解行一切智人智然復異名小乘經說彼識如增一阿含中說喜樂阿犁耶世間及善阿犁耶阿犁耶所成并求阿犁耶滅阿犁耶故說法時親近正聽起隨順心許取法及次法如來出世間時世間說此希有法故如來出思益經中說以此義故小乘經亦異名說此阿犁耶識大僧祇增一阿含經中亦說彼為根本如樹依根住故弥沙塞僧中亦說言乃至世間陰不斷如是異名亦說彼識或有時節中色及心斷時非阿犁耶識有新義彼是種子是故所有彼智所依阿陀那識事心事阿犁耶事根本識事乃至世間陰事說彼阿犁耶識此阿犁耶識轉明勝如王大道餘者復作是言心意識是一義唯文異然彼義不成意及識中義有見異故是放逸心亦應有異義成復有餘者言如來阿含中所說喜樂阿犁耶世間如是等句

攝大乘論卷上 第五頌 嚴

者謂五陰是阿犁耶餘者復言同貪等樂受是阿犁耶識或復言身見是阿犁耶然彼於阿犁耶識迷癡故或從聞及解釋故作如是說依小乘經教分別安故然彼者此分別安事不成彼愚癡故如是分別已阿犁耶識轉勝成如是差別說故云何轉勝明如是彼五陰於惡道生處一向受苦時狀成彼既是一向狀故不成有厭樂事如是彼常求厭離同貪樂受者從四禪已上無復成厭離如是彼衆生中依止事不弋身見亦同此法中信無我者厭離成是故此亦彼者依止不成然阿犁耶識至內身許事受一向苦道處生者及苦陰并求解脫者阿犁耶識中皆自身相彼解脫不應有從第四禪以上生者雖有同貪樂狀離阿犁耶識起我相受等如是此諸同法信無我者雖有厭離身見而阿犁耶識作愛自身相如是分別阿犁耶識已轉勝明智是阿犁耶說傍名及異名分別安事然復此相分別事云何得知彼略有三種一自相

攝大乘論卷上 第六頌 嚴

差別處二因事差別相三果差別相
是中阿犁耶識自相義者依一切染
等法習故彼有生因相種子攝取義
故是中因事差別義者還彼染等諸
法中彼阿犁耶識如是一切種子一
切時作因事現成是中果差別者阿
犁耶識中所有彼諸染法依無始以
來習生事何者是習而以習名說此
有何義依彼法同生滅故所有彼生
相事此是說所謂如華薰胡麻同生
滅胡麻故生彼香因事故生或多貪
欲者有貪習貪等同生滅有彼心故
彼因相似生或復多聞者有多聞習
彼聞憶念已同生滅心中彼說因相
事生故是以有此習義故說為法器
亦名持法如是阿犁耶識中亦如是
何者復彼阿犁耶識中染等諸法種
子為當分別住為不分別彼非如物
分別彼處住非不分別然如是生彼
阿犁耶識彼生勝力故說為一切種
子云何彼阿犁耶識及諸染法同時
見迭不作因事所謂如燈焰及性生
燒因同時迭不作因及如羣束迭不

攝大論卷上 第七張 嚴

人捉故同時不墮地中此亦如是迭
不作因事應知亦如阿犁耶識諸染法
作因諸染法與阿犁耶識如是因緣
差別事不見有餘因緣云何無分別
種種習而與有分別種種諸法因成
所謂如種種色染衣已不見種種色
若彼衣浸在器中今時彼諸色種種
差別見非一器中故如是阿犁耶識
種種習薰習薰時雖非種種能生果
時向色器已無量種種相現諸法種
種事此是大乘中甚微細因緣有
二種一者性差別二者愛不受果差
別是中所有依此阿犁耶識生諸法
者此是性差別種種性分別現緣故
是中迷初因緣者於阿犁耶識中或
言性因事或言本作因事或言自在
應化因事或言自身我因相事或言
無因无缘事第二因緣迷者復自身
計為作者食者譬如眾生盲人彼未
曾見象為彼盲人將示象諸生盲者
或捉象鼻或牙或耳或足或尾或背
彼亦已問象何相或說言如犁轆或言
如杵或言如鐵箕或言如確曰或言

攝大論卷上 第八張 嚴

如芭篲或言如石山如是不通達不
知此二種因緣故無明障故如生盲
或計為性或本因或自在或自身或
無因或作者或計為食者阿犁耶識
如象性相自體不知故略說阿犁耶
識因事及果事報識一切種子性已
是故三界中攝一切身及一切道是
故說五偈
內外不分明 而說相順事 彼一切真實
說為六種子 空及同諸大 彼亦說隨順
定而忘諸緣 及自果將來 彼見而无記
或順彼無餘 薰彼非餘象 然彼是習相
六無有順義 二別相違故 諸念無同故
生餘隨順故 內外諸種子 彼說為生因
不續取盡故 自然壞過故
所有餘六轉順識 彼一切身道處受
果報應知如中邊分別論說
一是作緣識 第二受果報 分別受報者
同發諸心介
彼諸識迭不作緣故大乘阿毗曇修
多羅有偈
一切諸法依 如是彼諸識 迭不作果事
一切及因事

攝大論卷上 第九張 嚴

若此諸識迭手作因緣果者初因緣及彼第二因緣有何緣謂增上緣然此六識有幾緣所生增上念次第等緣生是此餘三種因緣世間者至愛不愛道及受果報者四緣成以分別明此阿犁耶識傍名及相復云何得知唯是阿犁耶識如是傍名說及如是相而非是六種轉順識介如是中間差別安阿犁耶識已是故不成染淨事煩惱事及業事生染事不成世間出世間淨事不成云何煩惱染事不成是以六識身中煩惱染習種子作事不成如是彼眼識貪煩惱使等同生滅彼是彼者薰有子及非與眼識滅已餘識中間以非習及不見習所依既無眼識前滅眼境中間同貪等生無故是故過去者不成如過業果報生然彼眼識貪等同生故習不成彼貪所依故及貪不堅非餘諸識別體故諸識同時生滅無故非自性餘性可有同生滅如是故非眼識貪等煩惱及使薰成非彼識及識所薰如眼識如是餘六轉順識等如順輝

攝大乘論卷上 第十說 梁

應知所有非想以上滅已此處生煩惱染彼初生識彼亦無種子生同依止彼習過無故以生煩惱對治識彼餘一切世間識滅已中間阿犁耶識煩惱及使種子彼對治識中不成於諸煩惱性解脫故及同生滅無故後復更生世間識故久滅無已同依彼習應離種子生中間阿犁耶識是故中間阿犁耶識煩惱染事不成云何業染不成行緣識不順義故彼無取緣有亦不順故云何生染不成取後身身不順義故不入定地中滅已在中陰念離染意識取後身然彼離染意識中陰中滅已彼以歌羅羅故母腹中託若唯意識託者託已彼依力故母腹中應有依識行是以二種意識從母胎應有同有故而非彼所託意識意識事成上以離染身故及隨順意識念雖有彼意識託既休託意識彼為一切種子為當隨彼身依行者若隨彼所託彼是一切種子者是故唯阿犁耶識是傍名差別安成依識今然若依彼故一切種子者彼以

攝大乘論卷上 第十一說 梁

何依事作因識者彼非一切種子若所依作果事者彼一切種子此義不成是故此釋成所有彼託識彼非意識是報識彼一切種子故以取後身以認取餘色根何者報識而認不可見上意識及不堅牢固彼諸餘識取色根無非色可成是識及滅色迭不相依如華束順義故行彼亦不成中間報識食事義故不成諸大衆生非報識中間諸六識隨所三界中生諸大衆生作食所見從此滅已雖入生定以離染不決定意識取後身然彼不入定心彼地中離中間報識以種子不成然生在無色界中中間一切種子報識離染善根覺者無有種子無所可依得離染善根心還彼處現出世間心諸餘世間心謝已彼行應得迴生非有想非無想生者現不用處出世間心時應得迴彼二道彼出世間識非有想非無想至所依非有用處行所依涅脛道所依成欲捨身時或造善不善若上若下漸次依跡滅毒得清涼不應成中間有阿犁

攝大乘論卷上 第十二說 梁

耶識是故生染中間一切種子報識中不成云何世間淨事不成如是離諸欲者未得色界心唯得欲界善心於欲生厭離然是欲界中心後用行色界心不共同生滅彼不薰此種子者不成非彼色界心過去無量生所隔彼入定心作種子不成既无彼已釋成此所有彼入定色界心一切種子報識久時轉轉來後因緣故是彼善行習故彼心增上緣如是一切厭離地行中隨順如義應知如是世間淨事中間一切種子報識不成云何出世間淨事不成如佛所說外聞他聲音以內寂靜思量因彼事故得生正見以聞彼聲響音念故或薰耳識或薰意識或薰彼二是中彼諸法寂靜思惟憶念故耳識今時不行意識亦餘識所隔雜故若寂靜思惟行生時彼久滅無常意識聞習所薰同習既無何處復彼種子心後時寂靜思惟行而生所有彼寂靜思惟修行世間心彼正見同順出世間心或時同生滅是故彼不薰以不薰故彼種子不成

攝大論卷上 第十三張

是故出世間淨中間一切種子報識不成是中聞習者彼種子攝不順故復云何一切種子與報識作緣因成彼對治出世間心種子事不成出世間心是未曾有是故彼習本無既无彼習已有何種子生彼應說善淨法界盡唯以聞習種子生彼所有彼聞習彼為是阿剎耶識性為不若是阿剎耶識性者是中云何彼對治種子成若是非如是性者是以彼聞習種子有何依身可見諸佛得菩提已所有彼聞習隨心身現彼共同事報識中行亦如乳水然非彼阿剎耶識彼對治種子故是中依微習故生中習依中習故上習生多以聞思修順義故然彼聞思修種子雖微中上然是法身種子應知阿剎耶識相違非阿剎耶識所攝出世間善淨法界因氣事故世間及出世間心作種子然彼未得出世間心時現氣煩惱對治隨惡道對治消滅作一切惡對治隨順親近諸佛菩薩世間亦諸新學者法身所攝應知諸菩薩解脫身所攝聲

攝大論卷上 第十四張

聞緣覺彼阿剎耶識法解脫身所攝隨所隨所微中上漸次增長如是如是報識亦微劣身亦轉明一切時身亦轉明一切時轉身已彼報識一切種子離種子成及一切時滅已彼復云何阿剎耶識如乳水若余非阿剎耶識同事而行一切時壞如幾水中飲乳或入世間狀或入定習滅故入定習增長如轉身及入諸滅盡定雖不著識故彼中唯執不離成非滅盡定彼對治可取生非彼起已更復生報識已斷非餘處可取順成若復計言滅盡定有心彼亦是心善不善彼無記事故不生成彼亦不成若復言色心後生者諸法種子事分別前未生亦不生色無色滅已及從滅盡定起彼不成及阿羅漢後心亦不成除唯次第緣事可成如是一切種子報識中間無染无淨成是故釋成彼無及隨所相說是中說偈
菩薩淨心 離諸五識 離餘轉事
心云何作 對治迴轉 无量不成
因果分別 彼滅應順 離子非事

攝大論卷上 第十五張

若取轉事 彼事二無 轉事不成
何者復此阿犁耶識差別事略有三
種及四種應知是中三種者以三種
習差別故一言說習差別二身見習
差別三因緣習差別四種習差別
一取時差別二報差別三念事差
別四相差別是中取時差別者所
有諸習生彼無故行緣識及取緣有
不成是中報差別者所有行有緣故
諸道受報彼無故无子後生諸法生
事不成念事差別者所有彼意我相
念事彼意無已身念取事不成是中
相差別者所有彼同相不同相離受
生種子相同受生種子相同所有器
世間種子不同者所有內入種子所
有同者彼離受生種子對治生不同
者障滅及同者他所妄想分別取見
淨諸行人一事中種種信如種見得
是中偈
難滅證縛 說為同事 行人亂心
自念外壞 淨不相違 真實見淨
佛戒清淨 諸佛見淨
所有不同彼同受生種子彼無放器

攝大乘論卷二 第十六 頌 頌

世間眾生世間順勝事不成復離溫
相安相離溫相者所有煩惱及使種
子安相者有漏善法種子彼無故報
作不作勝身中不成復受不受相受
相者所有熟報善不善種子不受相
者所有有言道習種子無量分別順種
子故彼无者作不作善惡業得時不
受用義不成新語言習生事不成復
喻相幻焰夢患目等彼阿犁耶識彼
時無故虛妄分別種子故相事不成
彼復同相別相具有縛者同相世間
離欲者壞相學者聲聞及諸菩薩一
義一塵除相阿羅漢辟支佛諸如來
煩惱障具除相煩惱障智障及具除
相如順彼無漸次煩惱滅事以何義
故善不善諸法報中不定無記報如
是無記善不善不相違善不善事迷
乎相違善不善事煩惱轉事不成是
故唯不定無記是報識已說智依智
相復云何知彼略有三種一他性相
二妄想分別相三成就相是中何者
他性相所有阿犁耶識種子中虛妄
分別所攝識彼復何等身與受用識

攝大乘論卷二 第十七 頌 頌

彼所受用識受用識時識數識方處
差別假意識自他分別善道惡道生
滅識是中所有身與受用識及彼所
用識及受識所有時數分別假識者
彼語言習種子因生故所有自他分
別識彼身見習種子因故所有善道
惡道生死者彼為因緣習種子因故
此諸識一切塵一切道煩惱所攝說
他性相者虛妄分別現見成此別現
見成此諸識中所有虛妄分別所攝
唯識事非有妄即義依見此是他性
相是中何者身分別相若非有塵唯
彼識作塵現取故是中何者成就相
若還彼他性相中微塵相永無有事
是中心身與受用識等六內眼等塵應知
彼所受用識者六外塵色等應知彼
能受用識者六種眼識等塵應知此
諸識餘識差別應知復此諸識唯識
無義故餘塵有何見夢等見應知所
謂夢中離塵唯識如是種種色聲香
味觸屋宅林地風諸山塵現相事故
見然彼塵無塵義如是見者一切唯
識隨義通達應知言等者幻焰塵渴

攝大乘論卷上 第十八 頌 頌

惠目等應知然彼如夢覺者一切如如是識何以故如夢中唯識意生如是彼處亦不行行真實知覺已故行真實未覺者唯識事云何得知從阿舍及解釋順義中是中阿舍如佛十地經所說三界唯心作相續解脫經中弥勒菩薩問佛言世尊所有彼三昧境界中見像彼為於心異為不異佛言弥勒不異何以故彼念唯識所明識我說世尊若是彼三昧境界形像心中不異者云何以彼心而取彼心佛言弥勒無有法而能取法然彼心如是生以如是生故如是見譬如緣像故唯見像而言我見像以是義中間不離彼像中間像相似見如是生彼心如是中間而言見如是此阿舍將證成如是入定心時隨所青等知所有見像還見彼心離塵青等如是順釋已菩薩於一切識中如是測量取唯識中無彼青等憶念持識前已彼念所見聞思修亦隨所憶事識彼亦念過去故彼現相唯識得以此喻證故菩薩雖真智未覺已應思量

攝大乘論卷上 第十九 嚴

唯覺事隨此如夢說種種諸識彼識順成唯識眼識等諸識眼等諸識復有諸色云何得知唯識事彼亦有阿舍及順釋如前說若是唯彼諸識者何故色事及現見相事久住體行顛倒等煩惱染塵因故餘時非塵為塵妄不成既無彼事煩惱障智障染事不成彼既無淨事不成是故如是彼順義成是有中偶

妄念及妄想

說為諸色識及無非色識有彼非餘者

何故時等種種如說者行無時世間流不絕故无量衆生界因故無量佛世界因故無量所作事迷于假名分別因故无量攝取受用差別因故無量受不受業果報受用差別因故无量受生死差別因故云何復此諸識唯識作事成略說有三種相一者但彼無義因故二事同念見識因故種種事盡師所生因故如是彼一切諸識無塵故唯如是同見相眼識等色等念故及彼識見乃至身識見唯意識一切眼等法盡識同念意識識同見

攝大乘論卷上 第二十 嚴

分別故於意識及一切識生現相故是有中偶

唯彼二種事 行者入意識 唯入彼心已彼力所成此

唯彼意識種種行故得彼名亦如身口等餘者行一切身中如畫師二種現相行唯彼塵現相故及分別現相故一切塵觸現相故行色塵身依故彼意識彼餘色相身依故是有中偶逮至獨行故 無身處所依能調不調心我說為淨行

如說此諸五根意識境界緣受成然是彼者意是依止介復如說十二入經中六種識種種識是意入介若有阿犁耶識識塵識分別安是中諸餘一切識彼念想識唯意識識同身彼見應知彼如是唯念想諸識彼見生因故如塵現相見彼生同依作事成如是此諸識唯識住事成云何有見塵而說無有義成如佛所說菩薩成就四法一切諸識解通無義事相連識相智故亦如餓鬼畜生人及諸天等同事中見既別不念見覺識故亦如過

攝大乘論卷上 第二十一 嚴

云未來夢現相念故加意中間顛倒同順智故所謂有塵念彼念識不顛倒應得不加真智及隨順三種智知故如是諸菩薩及得禪定者得心自在憶持力故現如是事及得舍摩他諸行人觀法順故唯憶念現見故及得無分別智彼處住已現一切義如是此三種智隨順義故彼義本四諸相釋成無有義若是唯識義現見依者他性相去何他性以何義故說為他性自習種子生故緣他性生已剎那後自不住有力故說他性彼是妄想分別非性非所依未曾有塵見故彼去何妄分別以何義故彼名為妄分別無量相妄分別顛倒相生故妄分別者无自相唯妄見故說為妄相若是成就相者彼永無自性相彼云何成就以何義故說為成就不以義故說為成就緣淨念一切善根妙義因故亦是上義故名為成就復有分別及無分別說分別性是中何者分別何等分別何等分別性意識分別以能分別然彼自語言習種子及

攝大乘論卷上 第三十二 張 嚴

一切識語言習種子故是無量諸相分別故行一切處分別妄想分別故說為分別復他性妄想隨所有他性性妄想者是彼處妄想自性以何相以何義故先已釋云何復妄分別以何分別以何念以何念取以何慢以何假名以何安義名以念故他性中彼念取見彼慢分別起口業見等四種世間行故非有義而言有妄故分別妄想此諸三性為同行為別行為別不別應說傍義故他性相他性傍義故彼亦是妄分別傍義故彼亦是成就有何傍名義是以他性他性習種子生他性因故有何傍名義以是彼如是妄分別及妄分別及諸分別因故有何義故隨彼如是妄分別如所分別如是彼永無義故有幾種他相略有二種一薰種子他相二染淨性不成他相如是此二種他相故說為他相妄分別性亦有二種一者性分別二者性分別故以為分別成就性亦有二種一者性成就故二者淨成就故分別復有四種一者性分

攝大乘論卷上 第三十二 張 嚴

別二勝分別三覺分別四不覺分別覺分別者解義事善巧故不覺分別者不解義事不善巧故復有五種一名所作義分別所謂此名有是義余二義所作名性分別所謂此義有此名余三名依名性分別者所謂不決定義名分別故四所依義性分別者未決定名義分別故彼二依彼分別所謂此義如是身如是名余攝一切義故復有十種分別一根本分別所謂阿耨耶識二相分別所謂色等識三念現相分別所謂同依眼識等識四念異分別所謂受等樂受貪等他所惱時轉變等趣及欲界等異故五念現相異事分別所謂所說如是等異相彼異相他所將分別所謂不聞正法及聞正法者所有分別六不寂靜思惟所謂不聞正法者謂諸外道七寂靜思惟所謂聞正法同法者八如分別所謂不正意思量身見等六十二見同順彼分別散分別謂諸菩薩有十種分別非事相散故事相散故正安散故毀謗散故一向事散故

攝大乘論卷上 第三十二 張 嚴

吳華散故性散故隨名義散故及隨義名散故此諸十句散事中對治故說無分別智一切諸般若波羅蜜中說如是彼障及對治具足般若波羅蜜應知若是傍名義他性相三種性成云何三種性無差別不成隨彼傍義他性者非彼妄分別非成就隨傍義妄分別者非彼他性非成就隨彼傍名成就者如是非彼他性非妄想云何復知如他性相妄分別性事現故非如是體性今本名離慧故及自滅因故多名故多身相違因故不定名穢身相違因故是有中偈
本名無慧故多及不定故成彼自多身穢身相違故覺見諸法事及見染淨等如幻應當知及如虛空等
復以何義故有如是所說事他性相一切事不成彼無已成就性及无故如是一切事不成他性及成就性無故染淨無事應見染淨是故非一切无是中有偈
他性既無成就一切無事常時於諸染淨

攝大衆論卷上 第三十五 疑

所有此諸佛如來大乘方廣中說彼說中云何妄分別性應知無傍名義說可知他性相云何知幻焰夢鏡像光明響水中月應化等諸喻應知成就性云何知有四種淨法說中知四種淨法者性淨故所謂真如空實際無相真實義及法界是離垢淨所謂如是彼離一切障垢彼得行淨所謂一切菩提分法及波羅蜜等彼生因念淨所謂說大乘法如是彼淨因故非妄想淨法界因氣故非他性如是此諸四法攝成一切諸淨法於中有偈幻等說故生妄計無有說於諸四淨中說為真實淨
淨性離垢行念故彼淨諸攝四種義故復以何相故他性相如所說幻等喻中明餘者於他性相中迴妄顛倒取意故云何復餘者於他性相中顛倒疑意成如是餘者作是意云何無此義現境界成為彼除疑迴義故說為如幻云何無義諸心心數順義成迴疑義說如焰喻云何無此无義而受受不受事迴疑義故說如夢云

攝大衆論卷上 第三十六 疑

何無此義而有淨不淨業愛不愛果順不順事迴彼疑故說如鏡像云何無義而有種種識順事迴彼疑義故說如光云何無此義而有種種假名語言順事迴彼疑義故說如響云何无此義實能取三昧境界順事迴彼疑義故說如水月中云何無此義而諸菩薩故取意不顛倒作衆生益義故受生迴彼疑義故說如應化事有何義故如梵王經中說我不見世間不證涅槃他相性中妄分別及成就性因故說世間及涅槃事无異事故如是彼他性相妄分別分故說為世間成就分故說為涅槃如佛阿毘曇中說有三法是染分淨分彼二分有何義故說他性中妄想性是煩惱分成就性是淨分還彼他性彼二分以此義故說此義中何者說金藏土示現所謂如金藏土中有三事可見一地塵二土三金是中有地塵故見土及見有金若入火時不見土唯見金地塵者見土時非正見見金時非如實見是故地塵有二分如是此無

攝大衆論卷上 第三十七 疑

分別智火觸彼識已彼識虛妄分別
性事見成就性事故不見無分別智
火觸彼識已彼識實成就性事故見
妄分別性事故不見是故所有妄分
別識他性相二分成如金藏泥地塵
介如來或說一切法常或說一切法
無常或說非常非無常以何意故說
常他性相成就分別故說常妄分別故
非常彼二分故非常非無常以是意
故說如常無常不二如是苦樂不二
淨不淨不二空不空不二有我無我
不二定不定不二有性無性不二有
生不生不二滅不滅不二永定不永
定不二性滅不性滅不二世間涅槃
不二如是等句差別諸佛一切密語
以此三種性句隨順應知如常等諸
句中說於中有偈

如諸法所無及如見非一如是法非法
不二義所說彼一分事故亦說名為事
二分不名事非事真實說如見非如有
是故說為見如是彼亦見是故說為無
自體自无故自事中不住取者本亦无
故說為無性无性義故成上上依義說

攝大乘論卷上 第七十八頌嚴

無生亦不滅 永寂性滅故

然有四種意趣故及有四種密語漸
次一切佛語隨順解釋應知一者法
同意趣故所謂我是無量无边時号
曰毗婆尸正真正覺二者時節意趣
所謂若穉多寶如來名者即定於阿
耨多羅三藐三菩提如元量壽經說
若有衆生願取無量壽世界即生今
三者義中間意趣如經所說供養若
干如許恒沙等供養親近已得解大
乘義今四者順衆生心意趣所謂或
有衆生讚行布施彼者復誘毀說如
是布施如是持戒及餘者說修事是
以故說四種意趣四種密語漸次一
者勸發漸次所謂或聲聞乘或大乘
中衆生法性勝故順世諦理所說二
者相漸次隨所法相說中示現三者
對治漸次隨所說八万四千衆生行
四者發願漸次隨所具義言音聲字
義餘說隨所有偈

非實而作實 顛倒中善住 煩惱善捺故
得無上菩提

攝大乘論卷上 第七十九頌嚴

別故略作解釋一者因緣說二者因
緣所生諸法相說三者以說聞義故
說是中因緣集說者如說言習所生
法彼如是還彼報識順識中透手緣
故生彼復順識相諸法同念見識性
然彼憶持相分別相及法體相是以
此示現三種性相成如說同念見者
彼知三相介云何復彼相解釋分別
相者他性中無成就性中有彼二有
無有覺无覺有見無見真實同時彼
他性中依非衆生分別衆生成就者
行彼覺故彼不覺如說分別他性中
成就彼處有不覺及覺故略說彼二
邊所說義解釋所謂先已說句餘句
示現彼分別或功德增上故或義增
故功德增者所謂說佛功德善覺慧
不二行無相法究竟佛行行故得一
切佛法到无障道不退轉法無障境界
不思住達三世遍一切世界身一切
法無疑知一切成就慧无疑諸法知
无分別知一切菩薩正受智不二佛
行得究竟竟不離如來解脫智盡至
無邊中佛地通達法界取虛空界盡

攝大乘論卷上 第三十頌嚴

余善覺佛者此句餘句所解釋應知如是善說法體成善覺慧者此善覺慧諸佛如來十九種諸佛功德攝成應知智中一向無障无分別功德事非事二相真如寂淨說自然佛所作不休息行功德法身中身心業无分別功德一切障對治功德降伏一切外道功德世間生世間法不能染功德法住功德受記功德一切世界中示現報身應身功德决疑功德種種行入功德未采生法智功德隨信示現功德無量身化衆生行功德同法成波羅蜜功德異佛世界隨信示功德三種佛身說法不斷功德乃至世間際一切衆生助成一切樂及無量功德因此說故義增上者復如經所說菩薩成就三十二法故名爲菩薩助益樂深心故於一切衆生令入一切智智稱己智滅慢故深厚深心故不作思愛怨及非怨等心故永親故盡至涅槃美言悅目先應故不斷彼心故所許之事不休息不疲倦意故聞義無厭足故自過見患故見他作

攝大乘論卷上 第三十二段 眼

過不說故一切威儀行菩薩心業故布施中不求報故一切有道慶不著修成故不瞋一切衆生忍故聚集一切善根法以精進故離無色界禪故順方便智故四攝法所攝方便故破戒持戒不二心故勤劬間妙法故樂住阿蘭若故不樂世間種種事故不希樂小乘故於大乘見大利益故遠離惡知識故親近善知識故淨四梵行故五神通遊戲故依智故住有行不住有行衆生不捨故一向定言故重實語故菩薩心爲首故如是等句初句中差別應知助樂深心故於一切衆生此助樂深心故有十六種作事差別應知是中十六種作事者轉轉行作不退作他所不勸而自行作不瞋作不望報作三句不望報故有益无益不瞋喜乃至後生隨逐故彼相似口業故有二句苦樂中不二等作事不怯弱作事不退轉作事方便攝作事除障作事二句相續不斷念彼心作事勝至作事七句六波羅蜜正修行及攝取行正事成就行作正

攝大乘論卷上 第三十二段 眼

事六句親近知識聽聞正法樂蘭若捨惡覺心正念功德二句大乘功德二句成就作事三句無量清淨得益力得證功德彼令住作事四將來功德除疑教受財法攝取心故不離心故如是等句與初句解釋差別應知如經說依於初句故句別有功德依於初句故句別義別介如是智相釋已

攝大乘論卷上

癸卯歲高麗國大藏都監奉

勅雕造

攝大乘論卷上 第三十二段 眼

攝大乘論卷下

嚴

阿僧伽作

後魏世佛陀扇多於洛陽譯

入智相云何多聞薰身故非阿梨耶識所攝如阿梨耶識種子成寂靜思惟所攝諸法義現相所生可取事處有見者意言處是中誰入智相大無所薰多聞相續身無量諸親近得故信欲一向故善集善根故善助功德智行菩薩何處入還彼現見法義現相意語處因大乘法生故信解地中見道行修道行及盡至一切法唯記念隨順聞信因故如是彼分別證因故一切障對治及離障故從何處入善根力持故三種相心轉明種種在處滅故念法義定慧一切時正行及不放逸故諸世界無量衆生類无量念念中成阿耨多羅三藐三菩提初轉心者隨所心布施等波羅蜜助集行彼心我已得是故我不加用諸波羅蜜修道能滿成第二轉明者諸禪法成就已死後尋得隨所須一切身

事得有障善根者况我善修善根得無障善根尋即一切諸勢不成第三轉明者是中有偈

人類得菩提於念念中間衆生無量故至時應捨行隨心所行施清淨无垢心彼得心止事勇健布施成善者滅身已自勢隨所心善者滅身已彼勢云何不捨聲聞緣覺心滅念故於大乘中一切有疑無疑故滅疑或聞思諸法除我相我我所相執故滅法慢者前所住及安一切相不念不分別故及滅分別者是中有偈

在前隨所除相念自住處智盡不分別得上菩提

以何云何入彼聞習業寂靜思惟所攝法義現見意言四種求名義性勝安求等四種如實知故名事性勝安性勝如實知彼不覺見故如是彼菩薩唯入記故順修彼名義現見意言彼名意言唯正觀彼名所依義唯意言正觀然彼名性勝安唯觀於後唯意言不覺已有名彼義有性勝安有性勝義相不見已此四種求及四種觀見知已彼名義現相意言中唯記

攝大乘論卷下 第二張 嚴

入彼記事入已為當唯入彼有相見二事及種種事入名義性勝義六種相無義故彼可取能取事現處故不斷種種相義現相所生故聞中如見繩謂繩現相故所謂如繩繩不實非衆生故如是覺義者非有迴繩意唯住繩意彼亦微思量色香味觸相故是中依慧繩慧亦迴成如是此諸六種相名現相意言中如繩繩六種相實義實處唯記慧亦思量成就性慧故如是此菩薩意言現相義相事入分別性入成唯主記入故他性云何成就性入迴唯記想彼者是諸意言聞法習者彼亦時分別義相菩薩一切義現相生無有餘成是故唯記現相亦不生是故一切義無分別事名住已於法界如現見隨住今時彼菩薩同等念已生無分別念智是故此菩薩名為入成就性於中有偈

法衆生法義同別有性義不淨淨盡至分別名境界

如是此菩薩智及相唯記入故名為入成彼入已名為住歡喜地善達法

攝大乘論卷下 第三張 嚴

界及生如來家得一切衆生平等心
得一切菩薩等心是彼菩薩見道行
佛以何義故入彼唯記處離法念彼
出世間定慧智藉得種種相記智同
相一切阿耨耶識因種子滅故法觸
種子增長已轉身一切佛法集故入
一切智智藉彼所得智一切阿耨耶
識相慶如幻等見故性不顛倒行足
故彼菩薩如幻師所作義處相同因
果唯有說一切時不顛倒成彼以記
入中四種禪定所依四種攢相法云
何知四種求故非不身無義无忍中
得光明三昧暖相依增忍中光明增
長三昧上依四種中如實觀知入唯
記中以無義決定心真實中入一切
三昧依順諦忍自此後唯記相思量
彼是次第第三昧依世間上法見故此
諸三昧近入地應知如是入地得見
諦道菩薩唯入記云何行修道隨所
分別說十地攝一切修多羅現事住
故以雜念出世間及藉彼得定慧智
故無量百千億習故如是身轉已為
得三種佛身為得故修行所有諸聲

攝大藏論卷下 第四段 聖

聞證道法及此諸菩薩此二有何差
別勝聲聞證入中菩薩證入有十一
種勝事應知一者念勝念大乘法故
二者淳至勝大功德助集淳至故三
者證勝衆生法無我證故四者涅槃
勝攝取不住涅槃故五者地勝十地
盡至故六者淨勝煩惱習滅佛世界
今清淨故七者一切衆生同得記心
勝化衆生行不斷絕故八者生勝生
如來家故九者取生勝佛世界會中
一切時取生故十者果勝十力四無
畏十八不共佛法無量功德成就故
是中有得

造不作客事於事名所求唯求彼諸事
分別二所安如實知見故離義分別三
見彼是非事彼無二所執喻若順分別
復有教授得鏡像意於後菩薩在諸定
迴彼義想已憶持自想事住心如是內
知無所可取於後充能取無分別知
更復有證道得所謂大莊嚴最論中說
助集無邊行功德智菩薩法意善決定
語言道義盡彼知正義已說住彼定心
法界現意故是以離二相離心元有餘

攝大藏論卷下 第五段 聖

吾知心亦無知二既是無正住於法界
不分知力故同時常同行彼身寶聚惠
如鳥滅諸毒牟尼說善法善住意思量
根本法界處念至知意故唯分別正取
速得功德處

如是說入智相已彼因果說云何知六
種波羅蜜故謂布施持戒忍辱精進
禪定智慧故云何此諸六波羅蜜唯
記入成云何彼入果六波羅蜜成是
中菩薩於世不著於戒不毀於苦不
瞋於修不懈怠如是此諸乱因不行
故因不行故一向已寂靜思惟諸法
入唯記已依六波羅蜜及入唯記故
菩薩淨深心所攝故得六波羅蜜是
以中間六波羅蜜行順說信故樂求
隨喜故得利潤雖忍菩薩自大乘中
說甚深大唯分別正覺得無分別智
欲信淨心明本彼覺法流十地近菩提
不假自然得

有何義故唯說六波羅蜜障對治差
別安故一切佛法集句處故及隨順
化一切衆生故不動相對治故說檀
波羅蜜及尸羅波羅蜜不動相謂世

攝大藏論卷下 第六段 聖

不著及家不著動者迥相對治故說
謂羣提波羅蜜及毗離耶波羅蜜
曰相者世間衆生作惡行長受苦及
於修善行法中生疲倦以發不迴失
相對治故謂羣波羅蜜及般若波
羅蜜失相者亂心及無智如是障對
治數差別故四波羅蜜不散相一
波羅蜜不散相成以散依故如實法正
覺集諸佛法如是集一切佛法句處
故數差別以檀波羅蜜益衆生尸羅
波羅蜜不作惡能忍毗離耶波羅蜜
作事盡至故如是益相化衆生化以
故調伏於後不入定心為令入定心
已入定心為得解脫故數勸故得解
脫如是化一切衆生句處故數差別
應知然此諸波羅蜜相去何知以六
波羅蜜身取依菩薩心故彼以寂故
遍行不斷增上意一切衆生助樂故
方便善巧寂故所有無分別知攝取
故發願寂者阿耨多羅三藐三菩提
作願故淨寂煩惱智障修集無量故
所有布施彼亦名波羅蜜所言波羅
蜜布施非波羅蜜如是四句如布施

攝大論卷下 第七張

中如是諸餘波羅蜜中皆有四句如
順應知此諸波羅蜜以此何義故有
此漸次說前波羅蜜後波羅蜜隨順
生故彼復釋云何知一切世間聲聞
緣覺布施等善根中增上到彼岸故
波羅蜜者如懷貪窮破除故令得大
勢功德故布施持戒滅惡道令得善
道三昧戒眼根滅除故他者防伴住
忍懈怠及諸惡不善法令遠離故增
長無量善法出故精進破亂想內心
住將來故擇定一切見無智滅除真
故及相別故知諸法故名智云何此
諸波羅蜜有修事可知略有五種修事
應知習行因行修事信欲修事心正
念修事方便善巧修事所作事憶持
修事是中四種事如前所作憶持
修事者所有諸佛自然作佛事不斷
不休息修諸波羅蜜令滿滿已心念
修喜樂隨喜憶念等心六種心所攝
故修廣心不斷心喜心作益心大心
及真心所有菩薩隨所阿僧祇劫得
阿耨多羅三藐三菩提如是等時念
念中捨一切自身及恒河沙等世界

攝大論卷下 第八張

七寶令滿已施諸佛如來乃至未坐
道場而菩薩行布施心無厭足如是
等時念念中三千大千世界滿中火
時現四種威儀雖少一切資用而現
作持戒忍辱精進禪定智慧心乃至
坐道場如是菩薩不厭修持戒忍辱
精進禪定智慧等心此是菩薩廣心
所有彼菩薩此無厭足心乃至坐道
場不斷及不捨是名此身若彼菩薩
喜心故彼六波羅蜜所作衆生益非
彼衆生以得此益故此是菩薩喜心
若彼菩薩作益衆生於六波羅蜜作
益攝取見如已身自身見如衆生此
是菩薩作益心若彼菩薩彼如是六
波羅蜜所集善根迴發願令一切衆
生得愛果報此是菩薩大心若彼菩
薩彼如是六波羅蜜修集善根與二
切衆生同發願向阿耨多羅三藐三
菩提此是菩薩真心如是六種心所
攝故修樂喜心若彼菩薩六種修心
行行者彼餘無量諸菩薩彼善根令
隨喜如是菩薩六心所攝隨喜心令
修若彼菩薩一切衆生六種心所攝

攝大論卷下 第九張

六波羅蜜修事希求如記六心所攝
六波羅蜜修不離者乃至坐道場如
是菩薩六種心所攝希求意行修者
此六種心所攝菩薩心修故聞已發
一好心彼功德量等功德及一切惡
作障消滅何況菩薩云何此諸波羅
蜜有差別以三種相應知法施財施
及無畏施止戒攝善法戒作衆生益
戒作惡忍辱提忍苦難提法思惟忍
苦難提勇猛精進行精進不怯弱不
瞋恨喜精進行現相作憶持無分別
方便行无分別及有分別及藉彼得
智云何此諸波羅蜜攝事應知此諸
波羅蜜攝一切善根彼相彼隨順及
彼因緣故云何此諸波羅蜜諸障一切
煩惱攝事知彼相彼因及彼果云何
此諸波羅蜜有益事可知世間行時
勢力所攝同生所攝眷屬所攝大作
事行成吉所攝不惱少塵所攝一切
工巧諸論呪術處細意所攝增長是
無惡乃至坐道場一衆生現一切義
作事是名菩薩益云何此諸波羅蜜
迭共決定分別事知或有處一切六

攝大乘論卷下 第十張 戒

波羅蜜布施聲說或有持戒聲或有
忍辱聲或有精進聲或有禪定聲或
有智慧聲說是有何意趣一切波
羅蜜行中彼一切同助至故是意如
是說入因相果已云何彼修老別事
知謂十菩薩地何等歡喜離垢明作
焰難勝現前遠行不動善慧及法雲
云何此諸地十事老別應知十種無
明障對治故如是十種相智中及法
界十種障住故云何十種相智法界
一切處義故初地中上義故第二地
中因上義故第三地中無所取義故
第四地中身心無老別義故第五地中
无煩惱淨義故第六地中種種法無
差別義故第七地中无勝無劣義故第
八地中相自在身義故及世界自在
依義故第九地中依智自在義故第
十地中依業自在義故依陀羅尼三
昧門自在義故是有偈
上義及因上義故 不攝義及身相續
无煩惱染淨義故
乃至不異義 不勝無劣義 依第四自在
法界中無明二種及以十地有障故

攝大乘論卷下 第十張 戒

對治說諸地

然此無明諸聲聞不離諸菩薩中難
何故初地名為歡喜彼初故自益他
益堪能成德義故何故第二地名為
離垢破戒垢令遠作故何故第三地
名為明作不動三昧三摩跋提依故
大法光依故何故第四地名為焰菩
提分法燒一切障故何故第五地名為
難勝地超菩提分故由真諦智與世間
智更互相達合此難合令相應故何故
第六地名為現前因緣智依般若波羅
蜜行現作故何故第七地名為遠行有
切用行盡至故何故第八地名為不動
一切相不動故何故第九地名為善
慧得上辯才智故何故第十地名為法
雲難念一切法智一切陀羅尼三昧
門藏故如雲如虛空上煩惱障滅故
法身滿故云何此諸地得智有四種
相得信地信地行得順地十種法行
得故證得初地中證法界證一切地
故成就得此諸地修盡至故云何此
諸地修事知此菩薩地地中修舍摩
他毗婆舍那已有五種相修何等五
種所謂雜修無相修无切用修轉明

攝大乘論卷下 第十張 戒

修轉轉修如是此菩薩此五種修已得五種果所謂除一切惡身種種想離得樂法意一切處無量不作畔在相法光明現相知淨分別相彼諸令別念同行為滿法身及成就故上中上因作攝故名以十地中十波羅蜜修事成六中六隨所說有四方便波羅蜜六波羅蜜所集善根彼一切眾生共故發願願向阿耨多羅三藐三菩提作願故願波羅蜜者未來種種願現相故波羅蜜緣牽將故力波羅蜜者能修力等六波羅蜜不斷同行故智波羅蜜者六波羅蜜差別智法同受報化眾生故然此四波羅蜜般若波羅蜜無分別智藉得智所攝然復一切諸地一切波羅蜜非不修成波羅蜜藏所攝此法門幾時此諸地修事滿成有五種眾生三阿僧祇劫信行人初阿僧祇淨深心行無相行及有相行有六地及七地第二阿僧祇還彼不現相人自此以上乃至十地第三阿僧祇修道滿足成是有偈勝上力故 堅心勝智 菩薩三祇

攝大乘論卷下 第十三條 嚴

發行書三

如是說因果修老別已是中云何增上戒勝事知如菩薩地持中說受菩薩戒品中略復有四種勝故勝事應知差別勝同不同戒勝上勝及甚深勝是中差別勝者謂受戒攝善法戒作眾生益戒故是中上戒者二種戒住義故知攝善法戒集佛法住義故作眾生益戒者教化眾生住義故知聲聞同戒諸菩薩性重不同行不同戒者制重同行故彼戒中隨所聲聞犯於中菩薩不犯戒隨所菩薩犯戒是中聲聞不犯戒菩薩防身口心戒聲聞唯防身口是故菩薩起心犯戒非諸聲聞略說所有一切眾生惡而有益身口意業彼一切菩薩應行及彼中學如是共不共勝應知上勝復有四種上故種種元量戒上故攝取無量功德上故一切眾生助益樂心眷屬上故阿耨多羅三藐三菩提住上故及得無量功德疾得阿耨多羅三藐三菩提是中甚深若菩薩如是方便善巧故然生等十種業修行

攝大乘論卷下 第十四條 嚴

是以不惡成得無量功德速得阿耨多羅三藐三菩提或應化身業口業是甚深戒應知是以作國王治國計種種示眾生惱事是以化眾生安置善處示種種生惱餘眾生示餘益餘者令心以發發已先化化已心迴此是菩薩戒甚深勝事如是四種勝事略說菩薩上戒勝事應知如是分別復有菩薩戒差別無量亦如比丘尼譽方廣修多羅中如是說增上戒勝已增上心勝事復云何知略有六種差別應知念差別種種差別業作事差別現氣差別業差別念大乘佛法故大乘光明一切功德積聚三昧三昧王現護首楞嚴等三昧無量種種故一切法雜念智顯順故阿耨耶識一切障諸惡使令除故禪定樂行已隨所生故處生故一切世界無障神通現故動放光遍視異事作來往略廣一切色身入同行往上下自在隱蔽他神現念與樂放光現大神通故攝一切苦行現十種苦行故十種苦者所謂受許苦行菩提願許故不退苦

攝大乘論卷下 第十五條 嚴

行世間諸苦不退故不肯向苦行一切衆生惡行苦行中彼現現事故現苦行作惡衆生中作一切利益義現故不染苦行世間生以世間法不染故信苦行於大乘雖無解一切甚大事信故證苦行衆生法无我證故順覺知苦行諸如來甚深密語所說順覺知故不寂靜不染苦行不捨世間彼不染故行苦行住一切障解脫諸佛如來乃至世間衆生際自然作一切衆生一切義行故何者復順覺知苦行所有諸佛密語說若隨彼所覺所謂云何菩薩布施成若使無所布施而彼無量十方世界作布施成云何布施喜心成若一切布施不喜樂云何布施信成若使諸如來信不去云何布施與意成若使自身令與布施云何樂布施成若使一切時無所布施云何布施大事成若於布施起不堅相云何布施增長成若使起如心云何布施盡意成若使不住於盡法時云何布施自存成云何布施無量成若不住無盡故如布施如是持

攝大衆論卷下 第十六

戒等乃至般若波羅蜜隨順應知一何熟生成若使衆生世間害云何偷盜成若使餘者未與衆生而自取之云何邪淫成若使淫邪而行云何妄語成若使如妄語作妄語說云何綺語成若使常以空門行而行云何惡口成若使到智彼岸云何兩舌成若使善知諸法而能證說云何貪成若使常與無常禪定法今得故修行云何瞋心成若使一切煩惱心中取行云何邪見成若使一切處到一切事如實邪見經明甚深佛法何等法而說甚深是中有此說常法佛法依法身常故斷見法佛法滅一切障故生法佛法者能生應身故有覺法佛法者八万四千衆生行有對治故有貪法佛法者有貪衆生取如已故如有有瞋法佛法有瞋法佛法見有凡夫法佛法無染法佛法真如成就已一切障不能染故離染法佛法者生世間而世間法不能染故以是義故名爲甚深佛法修諸波羅蜜化衆生令佛國清淨現一切佛法故諸菩薩三昧

攝大衆論卷下 第十七

作事差別應知如是說增上勝心已增上勝慧復云何知無分別智中性處身處因處念處相處持處伴處報處因氣處出處盡至處藉彼无分別切用行等處差別處藉無分別得處餘處持自然作事處甚深處意無分別智增上慧勝知是中離五種相無分別性智故意離念故果離有覺有觀地故離想受滅定捨離色性故真實處捨種種相故彼無分別智離如是五種相應知此如所說無分別智性差別安中說偈
諸菩薩真實 遠離五種相 無分別智處 真中種種名 諸菩薩身者 善心正是心 無分別智中 義心真實說 諸菩薩因者 同言聞習故 无分別智中 意行同思惟 諸菩薩念者 諸法無諍事 无分別智中 無我及真如 諸菩薩相者 於彼正念處 无分別智中 智處無諸相 隨順真實義 分別無有異 迭共隨順故 彼義順和成 離智无言說 說中有所行 以說相違故 彼說無有言 諸菩薩持者 彼智無分別 藉彼得彼行 彼到增長處 諸菩薩伴者

攝大衆論卷下 第十八

說為二種行無分別智中五波羅蜜性諸菩薩報者諸佛二界中無分別智處以得順行故諸菩薩因者上上諸生處無分別智中勝到故正說諸菩薩出事為得順義故無分別智中解知諸十地諸菩薩盡至因三淨身得無分別智中得上神通故如空無有染彼智無分別衆惡種種上唯信欲為正如空無所染彼智無分別遠離一切障得順成就故如空無有染彼智無分別常行世間故而世法不染受義隨順故如受所覺義非如不淨用說為三種智如癡所用受如癡所覺知非如癡所用說為三種智解通五種義如達五種事如意識所知說為三種智不通論修論如通法義解如是漸次知知為行創首如人教諸目彼智無分別彼後得開目彼智藉所得如空智亦亦彼智無分別彼處色現相彼智藉所得如珠伎樂等作事無分別如是離住故諸佛業莊嚴非彼及餘處有智及元智彼智無差別是智元分別體性無分別明識一切法衆生中分別彼智元分別

攝大乘論卷下 第十九 頌

是中無分別功用行有三種因現相取生差別故元分別智亦有三種少欲知足不顛倒無分別元謗故藉彼得智亦有五種證得憶念差別難成就時現分別故釋成無分別智義故復說餘偈
餓鬼畜生人諸天如羅漢等同意差別得成諸塵義過去如夢等無差別有二非有而作念彼念順義故義及成就義彼智無分別彼無即元佛得事即不成菩薩得神通彼以信力故地等如是無隨善者覺見成就此智慧勇健得穩定一切法正依及見如是義智行分別中及現一切義應知無義事彼記永所無般若波羅蜜中無分別智及元優劣如大品經說菩薩住般若波羅蜜中以不住故能滿修行彼云何以不住故能滿諸波羅蜜捨無種處故捨離外道我見處見故捨離未得正諸菩薩妄念分別處故捨離世間涅槃二邊處故捨離唯滅煩惱障慶喜故捨離衆生益捨離無餘涅槃界慶聲聞乘及菩薩乘中有何勝差別有五種

攝大乘論卷下 第二十 頌

和勝故無分別勝故唯陰等法無分別故非有方勝證正一切相知及依一切衆生方故不住勝因不住涅槃故永勝無餘涅槃界中住到无量故及上勝果此經無乘有上勝故是中
有偈
五種勝義故慈悲以為身世間出世勢不久當得現
若諸菩薩成就如是增上戒增上心增上慧功德得自在於衆生益處何故復有諸衆生而復有苦縛者示彼衆生有彼衆生業障對故諸善法受彼助得勢示現於彼生善起障故示現開現故示現還受彼受用勢時現彼不善法益因事故助受彼勢時還彼餘衆多衆生示現有障因故而見衆生衆生衆事有縛是中說偈
現煩惱障故愚目不正視諸衆生菩薩不得諸勢義
如是說增上慧勝事已滅勝事復云何菩薩滅者諸不著不住涅槃彼相者捨同諸煩惱不染不捨世間偈中轉身是中世間是他相性是煩惱染分

攝大乘論卷下 第二十一 頌

涅槃彼亦是淨分身者彼是二分他相性者轉身還彼他相性中得對治

所染分中轉淨分中護然彼迴略有

六種作微弱益迴以信力故住間習

故依有慙愧煩惱行不行故得證迴

入地諸菩薩現正不正現處故乃至

六地修轉不現有障念相現善淨正

意故乃至十地中滿果迴現無障一

切相念得一切相念自在微小迴小

乘已證衆生無我故一向背世間故

一向捨世間上迴諸菩薩已證法无

我故還彼處見寂靜滅諸煩惱使等

而不捨彼故諸菩薩於微小迴中有

何患捨衆生益果菩薩法離已共諸

小乘等同解脫是惠菩薩上迴中有

何利益世間法中自身及他身得自

在故一切道一切衆生視己身故多

以三乘中種種善巧方便化衆生今

住故是中說偈

正覆迷凡夫不正一切現諸菩薩常正

不傲自然行不說而說知非義正義故

彼身有轉事正說為解脫世間及涅槃

若生現智者余時彼世間即說為涅槃

不捨非不捨善知世間故無利无有善

善知涅槃故

如是說滅勝已智勝云何知以三種

佛身故說智勝事一真身二報身三

應身是中諸佛真身者謂法身依一

切法得自在故報身若以種種諸佛

衆會中顯明法身所依佛世界清淨

依受大乘法樂故所有依法身者從

兜率天中託身生受欲出家親近外

道苦行成道轉法輪示大涅槃是中

說偈

得相自在事以攝受身故分別甚深德

諸佛作念事

諸佛如來法身有何相略有五種應

知一轉身相一切煩惱障分他相性

迴轉中一切障得解脫現法自在處

淨分依轉迴他相性故自法體相能

滿十波羅蜜得十自在故是中命自

在心自在及資用自在者為滿檀波

羅蜜故業自在及生自在者為滿尸

羅波羅蜜故信自在者為滿羼提波

羅蜜故願自在者為滿毗離耶波羅

蜜故三通所攝如意通者為滿禪波

羅蜜故智自在及法自在者為滿般若波羅蜜故不二相事非事二相故

依一切法非事故有為無為不二相

業煩惱无為有現相時現得自在故

別不別是一不一相是中一切諸佛

不異身故無量身心故示現成佛於

中說偈

日稱無我故離別無有身是彼本順故

分別得立名性差別元異具足及無始

不分別一佛或多依久處

常相依真如淨相本願力取作事不

盡故不思議相彼真如淨中唯內所

證知世間餘未曾有及非測量境界

云何復此法身見覺觀故彼初得暫

念大乘無分別藉彼得智五種相善

修故一切諸地中善集助道行微小

難壞障能令壞故如金剛三昧彼三

昧中間壞一切障故依彼身轉故得

復有幾種自在故法身得名為自在

略說五種世界身相好無分別无邊

聲響音不可觀頂自在故轉色陰上

妙無量寂樂行自在轉迴受陰故說

一切名身向身字身自在轉迴想陰

故應身願顯引眾攝取白法自在事轉迴行陰故如鏡觀見作事憶持智自在事轉迴識陰故有幾處意身法身應知略說三種身種種佛身行依故是中說偈

得五種受身 諸佛得自己利受彼所得是彼義求得所作無能障法微義通得得無非取受 佛常不盡見

受種種報依身化諸菩薩故種種應身依故多以化聲聞法身有幾種佛法所攝應知一者淨轉阿耨耶識得法身故報者轉色根得報智故行者轉行欲得無量智行故自在者轉種種業所攝自在得一切世界無障導神通智自在故假用者一切見聞解知轉假名得悅一切眾生智說自在故去遣者轉一切諸難遣得一切眾生一切難去遣智故如是六種佛法故諸佛法身所攝應知所有此諸佛法身彼為難為不難身心業差別故不難視無量處成正覺故難如法身報身亦亦心業差別故不難非身差別以轉无量身故應身者亦如報身

攝大乘論卷下 第三十五張 嚴

應知法身具幾種功德應知善淨四種無量解脫及諸有退遍淨處无諍願知四无尋六通三十二相八十種好四種一切相淨十力四無所畏三不護四念處滅習不忘法大悲十八不共佛法及一切相具智故是中說偈

慈念諸眾生 順利及諸心 不利世樂心 歸命彼益事 得離一切障 牟尼退世間 智所知遍處 歸命心解脫 無餘一切眾 滅一切煩惱 不難滅煩惱 歸命有高處 自然無有障 不退常入定 一切諸難中 歸命能釋者 身及所依處 言智及說者 心常无有退 歸命善說者 往知彼語言 來往知他心 眾生無實中 歸命善教誨 讚取丈夫法 一切生見聖 見已即生敬 歸命分別者 取處及諸勢 應身并願中 三昧智自在 歸命得彼岸 方便歸依淨 今利諸眾生 大乘出世利 歸命魔降伏 智滅及出事 作障并演說 自他及外道 歸命不可退 諸眾善能說 遠離二種染 無護不可忘 歸命將諸眾 修行一切行 无有聖不知 一切時悉知 歸命真實義 眾生所作中 聖觀不相違 作事無暫停

攝大乘論卷下 第三十五張 嚴

歸命不妄者 一日一夜中 六時觀眾生 成就大慈悲 歸命益心者 行至及與得 智慧并諸業 諸聲聞緣覺 歸命寂上者 三身大菩提 具得一切相 遍處一切眾 歸命決疑者

諸佛法身成就如是諸功德復有餘性因果業順行功德是故諸佛如來法身名為無上功德應知是中說偈成就諸真實 超過一切地到一切眾上度脫一切眾 具無量无边世間見功德世界不可見一切諸人天 然復甚深寂甚深諸佛法身彼甚深事云何知是中說偈

無生生諸佛 不住而善住 一切自然事 食為四種食 不破及無量 无量同一業 不見及見業 諸佛三身成 無有成正覺 非一切非佛 念念不可量 事非事所顯 不染及至染 并染有所依 非染非染已 入真正法體 諸佛過諸陰 住於正陰中 欲非餘非即 彼捨中善滅 一切是雜業 唯離大海水 作事竟復作 益他无有念 不見眾生過 如破器中月 遍一切世間 被法光如日 或時成正覺 或涅槃如大

攝大乘論卷下 第三十五張 嚴

無時而彼无 諸佛常住身 諸佛非正法
諸人趣惡道 非梵行法中 真實身處行
彼一切處行 及以無處行 見一切身中
一切根无境 除滅諸煩惱 如呪禁毒藥
煩惱到及盡 諸佛一切智 煩惱到道處
世間寂滅處 是故大方便 諸佛不思議

然此甚深有十二種應知所謂生成就
著住甚深差別算數業甚深成正覺
甚深獸離甚深滅陰甚深教化甚深
時現甚深成正覺示現涅槃甚深行
甚深示現已身甚深滅煩惱甚深不
思議甚深義法身諸菩薩憶念諸佛
時有何等念所念略說菩薩以七種
相隨念諸佛一切諸佛是得時法自
在故修念諸佛得一切世界無障導
神通是中說偈

障中闕少因 衆生界中遍 諸佛无自在
定二隨順者

諸如來常身者真如無間垢解脫故
諸佛如來寂微惡者遠離一切煩惱
智障故諸佛自然者自然作一切佛
事無休息故諸佛大勢者佛世界清
淨受大勢樂故諸佛无染者世間生

攝大乘論卷下 第二十八

而一切世間法不能染故諸佛如來
大義者示現成正覺及涅槃未化衆
生令化已化者為得解脫故是中說偈
唯在於已心常勢淨所顯不為而大法
報身故所得不惡而能行現彼復多生
一切一切佛智者彼應憶

諸佛世界清淨事復云何如佛十萬
偈修多羅菩薩藏序分中說如來寂
光明七寶莊嚴遍無量世界放大光
明元量善分別住處中間住故不可
差別界過三界境界過出世間上善
根所生善淨自在識相處如來加持
處大菩薩住處無量天龍夜叉乾闥
婆阿修羅迦樓羅緊那羅摩睺羅伽
人非人行處大法味愛樂所潤處現
一切衆生作一切事處離一切煩惱
所惱處離一切魔處過一切莊嚴如
來莊嚴加持處過大念意至處大奢

摩他毗婆舍那乘處八大空無相无
願處元量劫莊嚴大蓮華王處大妙
堂中住處亦是此佛世界清淨中明
色世狀勢量施處施因施果勢諸勢
律勢卷為勢益勢禁作勢潤勢无畏

攝大乘論卷下 第二十九

勢住處勢行勢乘勢持勢門勢及說
家勢然彼佛世界清淨中色勢一向
清淨一向樂一向不惡一向自在然
從彼諸佛法界一切時作五種作事
應知防護衆生諸難事見者離瞋育
瘖啞顛狂等諸難作事故救濟防護
諸惡道作事於不善處勸令安住善
處故無方便防難作事諸外道无方
便行解脫處毀令住佛法故親同見
防難作事過三界助道行故乘防難
作事諸菩薩住具乘及不定諸聲聞
令修行住大乘故此諸五種作事中
一切諸佛等作事應知是中說偈

因身作事差別故 及說諸行差別事
彼善力故諸世間 非彼無故諸如來
若是不共聲聞緣覺同諸佛法身成
就如是功德勢者彼以何意故說為
一乘是中說偈

剎取有餘者 及持有餘故 為不定者說
諸佛一乘理 信於法無我 等有性差別
深心應化故 盡處唯一乘
以何義故一切諸佛如來等同法身
而說多佛事故於中說偈

攝大乘論卷下 第三十

一界無有二常同有作事次行不順古
釋成多佛事

法身諸佛云何不永沮脬非不永沮
脬應知是中說偈

遠離一切障及作事不盡諸佛永已滅
亦是不名滅

何故報身不名具真身成有六種相
故示現色身故及無量佛世界中分
別現故隨信現故不定見真實異種
種見故現同生事菩薩聲聞天等種
種衆雜見故及阿犁耶識等轉身現
故唯成報身不名真身有何義故唯
是應身不名真身有八相故諸菩薩
遠時得不動三昧兜率天中人生
事不成宿命知者書數算印工巧論
受欲行餘事中無知不成不善說及
善說法中知己往親近外道處不成
善知三乘行故苦行不成捨百億閻
浮提一閻浮地中成正覺轉輪不成
中間成正覺示方便餘處應化身作
佛事彼唯兜率天中成正覺何故不
一切閻浮提中同時成正覺事知此
知中無阿含證復無餘義可解釋成

攝大乘論卷下 第三十張 嚴

復無二佛同時一世界中現有相
故彼多化故攝取四方世間及如無
二轉輪聖王同時生故是中說偈
諸佛未應化同至多藏故一切相成覺
見故而能行

一切衆生利益事万行修集大菩提
永入沮脬不成願行徒修無報故報
身應身無常故云何諸佛常身依常
法身故於諸因身應身報不定故從
應身者現現功德如常受樂及如常
勢故常事應知諸佛法身雖無量无
邊時諸佛義處無有假用作事於中
說偈

諸佛德勝無異元量 衆生因弱彼不失者
得已得彼一切無因 有斷彼不應順成

攝大乘論卷下

癸卯歲高麗國大藏都監奉

勅雕造

攝大乘論卷下 第三十張 嚴